

Na osnovu Odluke Vijeća Univerziteta u Sarajevu - Prirodno-matematičkog fakulteta, broj: 01/06-1281,1411/3-2024 od 01.07.2024. godine i Odluke Senata Univerziteta u Sarajevu, broj: 01-13-92/24 od 17.07.2024. godine, raspisuje se

KONKURS/NATJEČAJ

za izbor nastavnika na
Univerzitetu u Sarajevu - Prirodno-matematičkom fakultetu

- **NASTAVNIKA** u zvanje **REDOVNOG PROFESORA** za oblast: „Genetika“ na Univerzitetu u Sarajevu - Prirodno-matematički fakultet, Odsjek za biologiju - I izvršilac sa punim radnim vremenom;
- **NASTAVNIKA** u zvanje **REDOVNOG PROFESORA** za oblast: „Medicinska fizika“ na Univerzitetu u Sarajevu - Prirodno-matematički fakultet, Odsjek za fiziku - I izvršilac sa nepunim radnim vremenom (do 20% radnog vremena);

Pored općih zakonskih uvjeta, potrebno je da kandidat ispunjava uvjete utvrđene članom 96. Zakona o visokom obrazovanju ("Službene novine Kantona Sarajevo", broj: 33/17, 35/20, 40/20 i 39/21):

Uz svojeručno potpisanu prijavu na konkurs za izbor akademskog osoblja u naučno-nastavno zvanje, kandidati **koji se prijavljuju prilažu dokaze da ispunjavaju minimalne uvjete za izbor**, kako slijedi:

- **Redovni profesor:** proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova iz oblasti za koju se bira objavljenih u priznatim publikacijama koje se nalaze u relevantnim naučnim bazama podataka i originalni stručni uspjeh kao što je projekt, patent ili originalni metod, sve nakon izbora u zvanje vanrednog profesora, te uspješno završeno mentorstvo najmanje po jednom kandidatu za stepen drugog i trećeg ciklusa studija.

Kandidati za izbor nastavnika dostavljaju:

- Prijavu za koje mjesto nastavnika konkurišu uz obavezu navođenja priložene dokumentacije;
- Biografiju/životopis,
- Ovjerene kopije diploma odgovarajućeg fakulteta za oblast na koju konkuriše (visoke stručne spreme, naučnog stepena magistra i naučnog stepena doktora, odnosno diplome I (prvog), II (drugog), odnosno integriranog i III (trećeg) ciklusa studija po Bolonji ili Rješenja o priznavanju visokoškolske kvalifikacije, ako je stečena u inostranstvu ili potvrdu da je postupak u toku),
- Bibliografiju (priložiti: radove, udžbenike, knjige, monografije i dr.),
- Ovjerena kopija dokaza o najmanje jednom provedenom izbornom periodu u prethodnom zvanju,
- Dokaz o uspješno obavljenim mentorstvima,
- Podaci o nagradama i priznanjima u vezi sa odgovarajućom naučnom oblasti, ukoliko ih posjeduju,
- Dokaz o originalnom stručnom uspjehu, kao što je projekt, patent ili originalni metod,
- Dokaz o tri objavljena naučna rada/uspješnom vođenju projekta kao ekvivalentu, odnosno supstituciji za opravdano neispunjavanje uvjeta objavljene knjige/mentorstva u skladu sa članom 115. stav (2) Zakona o visokom obrazovanju i članom 203. Statuta Univerziteta u Sarajevu.

Svi kandidati, pored navedenih dokaza, dostavljaju originalni izvod iz matične knjige rođenih i uvjerenje o državljanstvu Bosne i Hercegovine ili ovjerene kopije navedenih dokumenata.

Preporuka je da svi listovi Prijave sa priloženom dokumentacijom, osim radova, udžbenika, knjiga, monografija i sl. budu čvrsto uvezani, sa numerisanim stranicama i parafirani od strane kandidata.

Napomena: Konkurs/natječaj ostaje otvoren 30 dana od dana objavljivanja. Prijave kovertirane slati na adresu Univerziteta u Sarajevu - Prirodno-matematičkog fakulteta, ul. Zmaja od Bosne br. 33/III, putem pošte (sa naznakom za konkurs i koje mjesto). Bliže informacije se mogu dobiti na telefon: 033/723-778.

Nepotpune i neblagovremene prijave, prijave kandidata koji ne ispunjavaju uslove Konkursa/natječaja kao i prijave koje sadrže neovjerene kopije tražene dokumentacije neće se uzeti u razmatranje.